



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**MOPHATO 12**

**SETSWANA PUOTLALELETSO YA NTLHA (FAL)**

**PAMPIRI YA BORARO (P3)**

**TLHAKOLE/MOPITLWE 2011**

**MEMORANTAMO**

**MADUO: 100**

**Memorantamo o, o na le ditsebe di le 13.**

**KAROLO YA A: RUBORIKI YA TSHEKATSHEKO YA GO TSHWAYA TLHAMO (50)**

	<b>Khoutu 7: Phitlhelelo ka dinaledi</b>	<b>Khoutu 6: Phitlhelelo ka matsetseleko</b>	<b>Khoutu 5: Phitlhelelo e e tletseng</b>	<b>Khoutu 4: Phitlhelelo e e itumedisang</b>	<b>Khoutu 3: Phitlhelelo ka tekano</b>	<b>Khoutu 2: Phitlhelelo e e tlhaelang</b>	<b>Khoutu 1: Ga a fitlhelela</b>
	<b>80 – 100%</b>	<b>70 – 79%</b>	<b>60 – 69%</b>	<b>50 – 59%</b>	<b>40 – 49%</b>	<b>30 – 39%</b>	<b>0 – 29%</b>
	<b><u>26 – 32</u></b>	<b><u>22½ – 25½</u></b>	<b><u>19½ – 22</u></b>	<b><u>16 – 19</u></b>	<b><u>13 – 15½</u></b>	<b><u>10 – 12½</u></b>	<b><u>0 – 9½</u></b>
<b>DITENG LE IPAAKANYO (MADUO 32)</b>	-Diteng di matsetseleko le boithamededi jo bo kwa godimo. -Dikgopolo tse di tsibosang e bile di bontsha kgolo. -Thalo/(drafting) e tlhagisitse tlhamo e e se nang diphoso e bile e kgatlhisa.	-Diteng di supa boithamededi. -Dikgopolo di na le boikakanyetso e bile di kgatlhisa. -Thalo/(drafting) e tlhagisitse tlhamo e e bontshang kitso le go kgatlhisa.	-Diteng di maleba e bile di na le kgolagano e e rileng/isehang. -Dikgopolo di a kgatlhisa le go usa pelo. -Thalo/(drafting) e tlhagisitse tlhamo e ntle e e kgatlhisang.	-Diteng di maleba e bile di lomagane sentle di a kgatlhisa e bile di itlhametswe sentle. -Thalo/(drafting) e tlhagisitse tlhamo e e kgotsofatsang e bile e kgatlhisa.	-Diteng di magareng, di tlwaelegile. -Go na le diphatlha tsa kamano. -Dikgopolo di maleba. -Boithamededi jo bo rileng. -Thalo/(drafting) e tlhagisitse tlhamo e e lekaneng, e kgatlhisang le go lomagana.	-Diteng go le gantsi ga di tlhaloganyege, di tila ka kamano/kgolagano. -Dikgopolo tse di mmalwa e bile di boeleditswe. -Go sa lekanelang ga maemo a puo ya gae ntle le thalo/(drafting). -Tlhamo ga e a tlhagisiwa sentle.	-Diteng ga di maleba gotlhelele. -Ga go kamano. -Dikgopolo di gasagane le go boelediwa. -Thalo/(drafting) e e sa lekanelang. -Tlhamo e e bokoa.

<b>PUO, SETAELE LE GO TSEREGANYA</b>  <b>(MADUO 12)</b>	<u><b>10 – 12</b></u>  -Puo le matshwao a puiso di dirisitswe ka tolamo. -Tiriso e e kgodisang ya dikapuo. -Setaele, segalo, rejisetara e e nepagetseng tota. -Tlhokego ya diphoso morago ga puiso le go tseleganya. -Boleele jo bo nepagetseng.	<u><b>8½ – 9½</b></u>  -Puo le matshwao a puiso di lolame. -Tlhopho ya mafoko e siametse temana. -Setaele, segalo le rejisetara di maleba le setlhogo. -Bogolo ga go diphoso ka ntlha ya go buisa gape le go siamisa.	<u><b>7½ – 8</b></u>  -Go na le bosupi jwa tirisopuo e e tlhobaetsang. -Puo le matshwao a puiso di nepagetse. -Tlhopho ya mafoko e siametse temana. -Setaele, segalo le rejisetara di siametse setlhogo. -Go le gantsi ga go na diphoso go ya ka go buisa gape le go siamisa.	<u><b>6 – 7</b></u>  -Kitso e e rileng ya kgatelelo ya puo. -Puo e e botlhofo, matshwao a puiso a lekanetse. -Tlhopho ya mafoko e e lekaneng. -Setaele, segalo, rejisetara di tsamaelana le ditlhokego tsa setlhogo. -Go sa ntse go na le diphoso tse di mmalwa.	<u><b>5 – 5½</b></u>  -Puo e e mo magareng, matshwao a puiso, ga a dirisiwa ka nepo/fa gongwe a fosagetse. -Tlhopho ya mafoko e e sa reng sepe. -Setaele, segalo, rejisetara di tlhoka kgolagano. -Go na le diphoso.	<u><b>4 – 4½</b></u>  -Go na le diphoso tsa puo le matshwao a puiso. -Tlhopho ya mafoko ga e a lekana. -Setaele, segalo, rejisetara ga di a lekana. -Go diphoso.	<u><b>0 – 3½</b></u>  -Puo le matshwao a puiso di fosagetse gotlhelele. -Tlhopho ya mafoko ga e a lekana. -Setaele, segalo le rejisetara di fosagetse gotlhelele.
<b>KAGEGO</b>  <b>(MADUO 6)</b>	<u><b>5 – 6</b></u>  -Go ikamanya gotlhelele le setlhogo. -Diteng di maleba tota. -Dipolelo, ditemana di tlhamilwe ka tsela e e kgodisang. -Boleele jo bo nepagetseng.	<u><b>4½</b></u>  -Go ikamanya thata le setlhogo. -Dipolelo, ditemana di tlhamilwe sentle. -Boleele jo bo nepagetseng.	<u><b>4</b></u>  -Go ikamanya le setlhogo go go rileng. -Dipolelo, ditemana di tshwaragane sentle. -Boleele jo bo nepagetseng.	<u><b>3 – 3½</b></u>  -Dintlha dingwe tse di tlhokegang di tlhagisitswe. -Dipolelo, ditemana di fosagetse mme tlhamo e na le tlhaloganyo. -Boleele jo bo batlileng go nepagala.	<u><b>2½</b></u>  -Bontsi jwa dintlha bo tlhagisitswe. -Dipolelo, ditemana di ka ne di fosagetse mme tlhamo e na le tlhaloganyo. -Boleele jo bo feteletseng kgotsa jo bo bokhutshwane.	<u><b>2</b></u>  -Go tswa mo setlhogong ka dinako dingwe mme o sa kgone go latedisana dikakanyo. -Dipolelo, ditemana. -Boleele jo bo feteletseng kgotsa jo bo bokhutshwane thata.	<u><b>0 – 1½</b></u>  -Go tswa mo setlhogong gotlhelele. -Dipolelo, ditemana di tlhakatlhakane. -Ga go na tatelano. -Boleele jo bo feteletseng kgotsa jo bo bokhutshwane thatathata.

**KAROLO YA B: RUBORIKI YA GO TSHWAYA DIKWALO TSE DILEELE TSA TIRISANO (30)**

	<b>Khoutu 7: Phitlhelelo ka dinaledi</b>	<b>Khoutu 6: Phitlhelelo ka matsetseleko</b>	<b>Khoutu 5: Phitlhelelo e e tletseng</b>	<b>Khoutu 4: Phitlhelelo e e itumedisang</b>	<b>Khoutu 3: Phitlhelelo ka tekano</b>	<b>Khoutu 2: Phitlhelelo e e tlhaelang</b>	<b>Khoutu 1: Ga a fitlhelela</b>
	<b>80 – 100%</b>	<b>70 – 79%</b>	<b>60 – 69%</b>	<b>50 – 59%</b>	<b>40 – 49%</b>	<b>30 – 39%</b>	<b>0 – 29%</b>
	<b><u>16 – 20</u></b>	<b><u>14 – 15½</u></b>	<b><u>12 – 13½</u></b>	<b><u>10 – 11½</u></b>	<b><u>8 – 9½</u></b>	<b><u>6 – 7½</u></b>	<b><u>0 – 5½</u></b>
<b>DITENG, TOGAMAANO LE POPEGO (MADUO 20)</b>	-Kitso e e manontlhotlho ya ditlhokego tsa setlhangwa. -Kwalo e e kwa godimo a sa fapoge setlhogo gotlhelele. -Ikamanyo e e matsetseleko le diteng mmogo le dikakanyo tse di tshegetsang setlhogo. -Bopaki jwa togamaano e e se nang diphoso e, e dirileng tlhagiso ya setlhangwa se se maleba. -Kagego e e nepagetseng gotlhelele.	-Kitso e e kwa godimo ya ditlhokego tsa setlhangwa. -Kwalo e e kwa godimo a sa fapoge setlhogo. -Ikamanyo le diteng, dikakanyo tse di tshegetsang setlhogo. -Bopaki jwa togamaano jo bo ntshitseng setlhangwa se se maleba. -Melao ya kwalo ya setlhangwa e dirisitswe ka botlalo.	-Kitso e e mo magareng ya setlhangwa. -Kwalo e e maleba e fapogile go se nene. -Bogolo go na le ikamanyo le diteng le dintlha tse di tshegetsang setlhogo. -Bosupi jo bo tletseng jwa go rulaganya bo ntshitse setlhangwa se se mo magareng. -Tiriso e e tletseng ya melao ya sebopego se se tlhokegang.	-Kitso e e itekanetseng ya ditlhokego tsa setlhangwa. -Kwalo e e itumedisang ya diteng le dikakanyo di tshegetsang setlhogo. -Bosupi jo bo itumedisang jwa go rulaganya botlhami jo bo tlhagisang setlhangwa se se itumedisang. -Tiriso e e itumedisang ya melao ya sebopego se se tlhokegang.	-Kitso e e lekaneng ya ditlhokego tsa setlhangwa. -Kwalo e e itumedisang ya diteng le dikakanyo di tshegetsang setlhogo. -Bosupi jo bo lekaneng jwa go rulaganya bo tlhagisitse setlhangwa se se lekaneng. -Tiriso e e lekaneng ya melao ya sebopego se se tlhokegang.	-Kitso e e potlana ya ditlhokego tsa setlhangwa. -Kwalo e e potlana e e seng maleba ya diteng le dikakanyo di tshegetsang setlhogo. -Bosupi jo bo potlana jwa go rulaganya bo tlhagisitse setlhangwa se se potlana se se seng maleba go setlhogo. -Setlhangwa se se sa tlhagisiwang sentle. -Tiriso e e potlana, e e fosagetseng ya melao ya sebopego se se tlhokegang.	-Go tlhoka kitso ya ditlhokego tsa setlhangwa. -Ga go na tomagano ya diteng le dikakanyo. -Dintlha tse di nnye tse di tshegetsang setlhogo. -Bosupi jo bo sa felelang jwa go rulaganya bo tlhagisitse setlhangwa se se sa rulaganang. -Ga go na tiriso ya melao ya sebopego se se tlhokegang.

	<u>8 – 10</u>	<u>7 – 7½</u>	<u>6 – 6½</u>	<u>5 – 5½</u>	<u>4 – 4½</u>	<u>3 – 3½</u>	<u>0 – 2½</u>
<b>PUO, SETAELE LE GO TSELEGANYA (MADUO 10)</b>	<p>-Tirisopuo e e nepagetseng e le matlhagatlhaga.</p> <p>-Tlotlofoko e e kwa godimo e le maleba go tebo, babogedi le bokao.</p> <p>-Setaele, segalo, rejisetara e e nepagetseng tota.</p> <p>-Tlhokego ya diphoso morago ga puiso le go tseleganya.</p> <p>-Boleele jo bo nepagetseng.</p>	<p>-E tlhamegile bontle ka nepagalo.</p> <p>-Tlotlofoko e e maleba go tebo, babogedi le bokao.</p> <p>-Segalo se se maleba go lebeletswe setaele, segalo le rejisetara ya se potso e se batlang.</p> <p>-Bogolo go sena diphoso tse dintsi morago ga puiso le go tseleganya.</p> <p>-Boleele jo bo nepagetseng.</p>	<p>-E tlhamegile le go buisega bonolo.</p> <p>-Tlotlofoko e e maleba go tebo, babogedi le bokao.</p> <p>-Setaele, segalo, rejisetara e e maleba. Go se diphoso tse dikalo morago ga puiso le go tseleganya.</p> <p>-Boleele jo bo nepagetseng.</p>	<p>-Popego e e lekaneng.</p> <p>-Diphoso ga di kgoreletse kelelo.</p> <p>-Tlotlofoko e e lekaneng tebo, babogedi le bokao.</p> <p>-Setaele, segalo, rejisetara di itekanetse.</p> <p>-Diphoso tse di mmalwa morago ga puiso le tseleganyo.</p> <p>-Boleele jo bo batlileng go nepagala.</p>	<p>-O lekile popego, e na le diphoso tse dinnye.</p> <p>-Puo ga e ntsi e bile ga e a dirisetswa tebo, babogedi mmogo le bokao jwa potso.</p> <p>-O felelwa ke setaele, segalo le rejisetara e e maleba.</p> <p>-Diphoso tse dintsinzana morago ga puiso le go tseleganya.</p> <p>-Boleele jo bo feteletseng kgotsa jo bokhutshwane.</p>	<p>-Kagego ga e maleba e bile go boima go bona kelelo.</p> <p>-Tlotlofoko e tlhoka go phekolwa e bile ga e tsamaelane le tebo, babogedi le bokao.</p> <p>-Setaele, segalo le rejisetara ga di maleba gotlhelele.</p> <p>-Go diphoso le kwa ntle ga gore go nnile le puiso le go tseleganya.</p> <p>-Boleele jo bo feteletseng kgotsa jo bokhutshwane thata.</p>	<p>-Kagego ga e maleba e bile go boima go bona kelelo.</p> <p>-Tlotlofoko e tlhoka go phekolwa tota e bile ga e tsamaelane le tebo, babogedi le bokao.</p> <p>-Setaele, segalo le rejisetara ga di tsamaelane le setlhogo.</p> <p>-Go diphoso le go sa tlhologanye, tota le fa morago ga puiso le go tseleganya.</p> <p>-Boleele jo bo feteletseng kgotsa jo bo bokhutshwane thatathata.</p>

**KAROLO YA C: RUBORIKI YA GO TSHWAYA DITLHANGWA TSE DIKHUTSHWANE TSA TIRISANO/TSA TSHUPETSO/ TSHEDIMOSETSO/PONO TSE DI DIRISANG MEKGWA E E FAROLOGANENG YA TLHAELETSANO (20)**

	<b>Khoutu 7: Phitlhelelo ka dinaledi</b>	<b>Khoutu 6: Phitlhelelo ka matsetseleko</b>	<b>Khoutu 5: Phitlhelelo e e tletseng</b>	<b>Khoutu 4: Phitlhelelo e e itumedisang</b>	<b>Khoutu 3: Phitlhelelo ka tekano</b>	<b>Khoutu 2: Phitlhelelo e e tlhaelang</b>	<b>Khoutu 1: Ga a fitlhelela</b>
	<b>80 – 100%</b>	<b>70 – 79%</b>	<b>60 – 69%</b>	<b>50 – 59%</b>	<b>40 – 49%</b>	<b>30 – 39%</b>	<b>0 – 29%</b>
	<b><u>10½ – 13</u></b>	<b><u>9½ – 10</u></b>	<b><u>8 – 9</u></b>	<b><u>6½ – 7½</u></b>	<b><u>5½ – 6</u></b>	<b><u>4 – 5</u></b>	<b><u>0 – 3½</u></b>
<b>DITENG, IPAAKANYO LE SEBOPEGO  (MADUO 13)</b>	-Kitso e e anameng, e e kgethegileng ya ditlhokego tsa setlhangwa. -Bontsha temogo e e tletseng ya bokao jo bo anameng fa a kwala. -Go kwala go go rupeletsweng. -Motlhatlhojwa o tsweletsa go tlhomama, ga a rathe sekgwa. -Nyalelano e e tletseng ya diteng le dikakanyo, ditlhaloso tsa maemo a a kwa godimo di neetswe.	-Kitso e e kgodisang ya ditlhokego tsa setlhangwa. -Bontsha temogo e e anameng ya bokao mo ditlhangweng tse dintsi fa a kwala ditiro. -Go kwala go go rupeletsweng motlhatlhojwa o tswelela go tlhomama, ga a rathe sekgwa. -Go nyalelano ya diteng le dikakanyo, ditlhaloso di neetswe, mme diteng tsotlhe di tshegetsang setlhogo. -Bosupi jwa ipaakanyo/kgotsa ipaakanyetso ya kwalo ya	-Kitso e e siameng ya ditlhokego tsa setlhangwa. -Bontsha temogo ka kakaretso ya bokao mo ditlhangweng tse dintsi fa a kwala ditiro. -Go kwala motlhatlhojwa o tsweletsa go tlhomama a sa itemogeledi dikgoreletsi tse di masisi. -Go le gantsi nyalelano ya diteng le dikakanyo ditlhaloso di neetswe, mme diteng tse dintsi di tshegetsang setlhogo. -Bopaki jwa ipaakanyo	-Kitso e e lekaneng ya ditlhokego tsa setlhangwa. -Bontsha temogo nngwe ya bokao mo ditlhangweng tse dintsi fa a kwala ditiro. -Go kwala motlhatlhojwa o ratha sekgwa, fela se, ga se kgoreletse maitlhomama a tiro ka kakaretso. -Nyalelano e e itumedisang ya diteng le dikakanyo, diteng dingwe di tshegetsang setlhogo. -Bosupi jwa ipaakanyo le/kgotsa ipaakanyetso ya kwalo ya	-Kitso e e magareng ya ditlhokego tsa setlhangwa. -Bontsha tlhalelo e e rileng a kitso ya bokao mo ditlhangweng fa a kwala ditiro. -Go kwala motlhatlhojwa o ratha sekgwa, bokao ga bo tlhabelele fa gongwe. -Nyalelano e e magareng ya diteng le dikakanyo. -Diteng dingwe di tshegetsang setlhogo. -Bosupi jwa ipaakanyo/kgotsa ipaakanyetso ya setlhangwa e e lebegang bo tlhagisitse	-Kitso e e tlhaelang ya ditlhokego tsa setlhangwa. -Bontsha tlhalelo ya kitso ya bokao mo ditlhangweng fa a kwala ditiro. -Go kwala – motlhatlhojwa o ratha sekgwa, bokao ga bo tlhabelele. -Nyalelano ya diteng le dikakanyo, go le gantsi e a tlhalela. -Diteng tse di mmalwa di tshegetsang setlhogo. -Tiro ga e mo maemong a selekano sa setlhogo, le fa tota a ipaakantse.	-Ga go kitso ya ditlhokego tsa setlhangwa. -Bontsha go tlhoka kitso gotlhelole ya bokao mo ditlhangweng fa a kwala ditiro. -Go kwala – motlhatlhojwa o ratha sekgwa, bokao ga bo tlhabelele. -Nyalelano ya diteng tse di mmalwa tse di tshegetsang setlhogo. -Ipaakanyo/kwalo e e sa itumediseng ya setlhangwa. -Tlhagiso e e bokoa ya setlhangwa. -Ga go na tiriso ya melao ya

		setlhangwa bo tlhagisitse setlhangwa e e duleng diatla.	le/kgotsa ipaakanyetso ya kwalo ya setlhangwa bo tlhagisitse setlhangwa e e kgatlhisang.	setlhangwa bo tlhagisitse setlhangwa e e kgotsofatsang.	setlhangwa ka tekano le nyalelano.		sebopego se se tlhokegang.
<b>PUO, SETAELE LE BOSUPI JWA PALO  (MADUO 7)</b>	<b><u>6 – 7</u></b>  -Thutapuo ya mo setlhangweng e nepagetse e bile e agegile ka bontle jo bo gaisang. -Tlotlofoko e e humileng e le maleba mo maitlhomong, baamogeding le mo bokaong. -Setaele, segalo le tirisopuo di maleba go gaisa. -Setlhangwa se lebege se se na diphoso morago ga go buisiwa gape le go tlhotlha diphoso. -Boleele bo nepagetse.	<b><u>5 – 5½</u></b>  -Setlhangwa se agilwe bontle se nepagetse. -Tlotlofoko e e maleba tota mo maitlhomong, baamogeding le mo bokaong. -Setaele, segalo le tirisopuo di maleba fa go lebeletse ditlhokego tsa tiro. -Setlhangwa ka kakaretso ga se na diphoso morago ga go buisiwa gape le go tlhotlha diphoso. -Boleele bo nepagetse.	<b><u>4½</u></b>  -Setlhangwa se agilwe sentle, se buisega bonolo. -Tlotlofoko e e maleba mo maitlhomong, baamogeding le mo bokaong. -Setaele, segalo le tirisopuo go le gantsi di maleba. -Setlhangwa go le gantsi ga se na diphoso morago ga go buisiwa gape le go tlhotlha diphoso. -Boleele bo nepagetse.	<b><u>3½ – 4</u></b>  -Setlhangwa se agilwe ka go itumedisa. -Diphoso tse di leng gone ga di kgoreletse kelelo ya dikakanyo. -Tlotlofoko ka tekano mo maitlhomong, baamogeding le mo bokaong. -Setaele, segalo le tirisopuo di siame, di maleba. -Setlhangwa se sa ntse se na le diphoso morago ga go buisiwa gape le go tlhotlha diphoso. -Boleele jo bo batlileng go nepagala.	<b><u>3</u></b>  -Setlhangwa se agilwe ka ditlhokego fela tse di tlhokegang. -Diphoso di mmalwa. -Tlotlofoko e a tlaela e bile ga e maleba mo maitlhomong, baamogeding le mo bokaong. -Tlhaelo ya setaele, segalo le tirisopuo fale le fale. -Setlhangwa se na le diphoso tse di mmalwa morago ga go buisiwa gape le go tlhotlha diphoso. -Boleele jo bo feteletseng kgotsa jo bokhutshwane.	<b><u>2½</u></b>  -Setlhangwa se agilwe bokoa e bile se thata go se tlhaloganya. -Tlotlofoko e tlhoka go boeletswa, mme ga e maleba mo maitlhomong, baamogeding le mo bokaong. -Setlhangwa se na le diphoso tse di thibang letsatsi, le mororo se buisitswe gape le go tlhotlha diphoso. -Boleele jo bo feteletseng kgotsa jo bokhutshwane thata.	<b><u>0 – 2</u></b>  -Setlhangwa se agilwe bokoa e bile go thata go se tlhaloganya. -Tlotlofoko e tlhoka go boeletswa ka tsenelelo, mme ga e maleba mo maitlhomong, baamogeding. -Setlhangwa se diphoso gotlhe tse di thibang letsatsi, e bile go tlhakatlhakane gotlhe. -Boleele jo bo feteletseng kgotsa jo bokhutshwane thatathata.

## KAROLO YA A: TLHAMO

### POTSO 1

#### Tlhamo ya kanelo

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo

Matlhotlhapelo a a ka tlisiwang ke thoromo ya lefatshe.

Dintlha tse di latelang di tshwanetse go elwa tlhoko fa go tshwaiwa tlhamo ya kanelo.

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe
- Go tshwanetswe go elwe tlhoko gore mofuta o wa tlhamo o a tlhalosa.

#### Tlhamo ya tlhaloso

Mokwadi mo tlhamong e, o tlhalosa sengwe ka mokgwa o mmuisi a tla itemogelang se se tlhalosiwang jaaka go batlega.

Sekao sa setlhogo

Tsatsi le ntšwa ya me e tshwereng legodu.

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go bopa setshwantsho ka mafoko a a filweng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo, kutlo, go tlhalosa mofuta o wa tlhamo sentle.
- Puo ya botshwantshi e dirisiwe ka boitshimololeli.
- Motlhatlhojwa a bontshe fa a na le maitemogelo mo setlhogong se.



## Tlhamo ya thanolo

Tlhamo ya mofuta o, e tlhagisa dikakanyo kgotsa tshedimosetso ka tlhomamo. Mo mofuteng o wa tlhamo, motlhatlhojwa o tshwanetse go tthalosa dikakanyo kgotsa dintlha ka tatelano.

Sekao sa setlhogo  
Motho ga a itsiwe e se naga.

Dintlha tse di latelang di tshwanetse go elwa tlhoko fa go tshwaiwa tlhamo ya thanolo.

- Setlhogo se tshwanetse go tthaloganngwa sentle.
- Go botlhokwa gore se motlhatlhojwa a se buang kgotsa a se tlhagisang se tshegediwe ka dintlha.
- Motlhatlhojwa o tthalosa bokao jo bo sa tlwaelegang gore mmuisi a tthaloganye setlhogo le fa e le gore ga a na kitso e e tebileng.
- Dikakanyo di rulagane, di lolame mme di naya tthaloso go simolola ka tse di itsegeng go ya ka tse di sa itsegeng.
- Tlhamo ya mofuta o, e kwalwe ka paka jaanong.

## Tlhamo ya ngangisano

Mo tthamong e, motlhatlhojwa o tlhagisa kakanyo, ntlhakemo mme a nganga ka maitlhommo a go dibela kemo ya gagwe.

Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tlhagisa letlhakore le le lengwe mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo  
Palo ya mapodisi a a bolawang mo nageng ya Aforika Borwa e kwa godimo.

Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:

- Motlhatlhojwa a simolole ka go tlhagisa ntlhakemo ya gagwe go bontsha boitshimolole.
- A neye mefutafuta ya dingangisano go tshegetsa ntlhakemo ya gagwe mme a tthalose se.
- Tlhamo e tlhagisa letlhakore le le lengwe mme dikakanyo di tlhagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tthaloganyegang mme e pateletse mmuisi go dumalana le tse di tlhagisitsweng. Tlhamo ya mofuta o, e kwalwe ka paka jaanong.

**Tlhamo e e sa tlhagiseng letlhakore le le lengwe**

Mofuta o wa tlhamo o leka go tlisa tekatekano mo matlhakoreng otlhe a dingangisano. Motlhatlhojwa o leba matlhakore otlhe a setlhogo se se filweng a bo a tlhagisa dintlha tse di thulanang ka go sa tseye letlhakore. Kwa bokhutlong motlhatlhojwa a ka tlhagisa ntlhakemo ya gagwe mme dintlha tse di emelelang setlhogo le tse di leng kgatlhanong le setlhogo di tshwanetse go lekanngwa mme di sekasekiwe mo tsamaong ya kwalo ya tlhamo.

Sekao sa setlhogo

Le fa o ka dira dilo mo lefifing, tsatsi lengwe o tla tshwarwa.

Dintlha tse di latelang di tshwanetse go elwa tlhoko fa go tshwaiwa tlhamo e e sa tlhagiseng letlhakore le le lengwe:

- Motlhatlhojwa o tshwanetse go tlhaloganya sentle se se solofelwang mo go ena e bile o tshwanetse go tlhagisa matlhakore a mabedi a ngangisano ka kitso e e tletseng.
- Tlhamo e tshwanetse go tlhaloganyega sentle, e bontshe tlhaloganyo e e tletseng e bile e sa tseye letlhakore le le rileng, maikutlo ape, dikakanyo di tlhagisiwe e bile di tshegediwe.
- Maikutlo a se ke a ya magoletsa, motlhatlhojwa a tswelele go dira gore go dumalanwe mme a sa ineele bonolo.
- Motlhatlhojwa a ka tlhagisa kakanyo ya gagwe kwa bofelong jwa tlhamo fa a konotela.

**Tlhamo ya maitlhamo**

Mo mofuteng o wa tlhamo motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Sekao sa setlhogo

Botlhoko jwa go šwela ke ntlo.

Dintlha tse di latelang di tshwanetse go elwa tlhoko fa go tshwaiwa tlhamo ya maitlhamo:

- Tlhamo ya maitlhamo e tseye letlhakore.
- Maikutlo a tseye karolo e e botlhokwa.
- Karolo e kgolo mo tlhamong e ka tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.

**PALOGOTLHE YA KAROLO YA A: 50**

**KAROLO YA B: DITLHANGWA TSE DILEELE TSA TIRISANO****2.1 LEKWALO LA BOTSALANO**

Lekwalo la botsalano ke le le kwalelwang tsala kgotsa mongwe mo lesikeng, motlhatlhojwa o tshwanetse go dirisa segalo se se mo magareng.

Dintlha tse di tshwanetseng go elwa tlhoko:

- Lekwalo le, le le khutshwane, mme diteng tsa lona di tshwanetse go tthagisa ka moo dibuka di tla busediwang morago ka teng.
- Go se ka ga nna le diphoso mo lekwalong le.
- Motlhatlhojwa a neelane ka tshedimosetso ya gore o tlhoka leng dibuka.
- Motlhatlhojwa a kwale aterese e le nngwe, aterese e se nne le lebokoso la poso le nomoro ya ntlo ka nako e le nngwe.

**2.2 BOIKITSISO/MAIKAO**

Motlhatlhojwa o tshwanetse go bua ka botshelo jwa gagwe. O tshwanetse go supa fa a batla tiro.

Dintlha tse di tshwanetseng go elwa tlhoko:

- A neelane ka tshedimosetso e ntsi, mme fela e nne maleba.
- Boikitsiso bo tshwanetse go kitlana, bo tlhamalale le go nepagala.
- Ditlhogo di nne botlhofo go buisega le go tlhaloganyega.
- Motlhatlhojwa a tlole mola fa morago ga setlhogwana sengwe le sengwe.
- A bontshe bokgoni jwa go itse dipuo tse di tlhagelelang mo phasalatsong.
- Boikitsiso jwa gagwe bo bopiwe go tshwanela ditlhokego tsa tiro.

**2.3 PUO**

Puo ke karolo ya botlhokwa ya go fatlhosana. Go le gantsi motho o neelana ka puo kgotsa o ema batho ka lefoko mo dikopanong kgotsa mo moletlong.

Dintlha tse di tshwanetseng go elwa tlhoko:

- Goreng o ya go neelana ka puo.
- Mofuta wa kopano e o yang go bua kwa go yona.
- Bareetsi e tla bo e le bomang: bašwa.
- Mokgwa o puo e neelwaneng ka ona o tlhagisitswe.
- Nako e puo e neelanweng ka yona e tlhagisitswe.

## 2.4 TSA BOTSHELO JWA MOSWI

Motlhatlhojwa o tshwanetse go thadisetsa baamogedi ka ga tsa botshelo jwa motho yo o tlhokafetseng.

Tshedimosetso e nne le dintlha tse di latelang:

- Leina la moswi
- Letlha la matsalo
- Batsadi ba moswi
- Dithuto
- Tiro
- Seabe mo setšhabeng
- Kemo ya nyalo
- Se se tlhodileng loso

**PALOGOTLHE YA KAROLO YA B: 30**

**KAROLO YA C: DITLHANGA TSE DIKHUTSHWANE TSA TIRISANO****POTSO 3****3.1 PHASALATSO**

E dirisediwa go phasalatsa tiragalo nngwe kgotsa go rekisa sengwe.  
E bewa gantsi mo marekelong kgotsa mo mebileng go lemosa baagi ka ga se se phasaladiwang.

Dintlha tsa tlhokomelo:

- A setlhogo se tlhagisiwe ka botlalo.
- Mokwalo o ngoke babuisi.
- Ditshwantsho di dirisiwe mme di bonale.
- Dintlha tsa tshedimose tso di tlhagisiwe.
- Letlha, nako le lefelo la tiragalo di tlhagisiwe ka botlalo.

**3.2 TSHEDIMOSE TSO YA TSELA**

Ke tshedimose tso e e abiwang fa mongwe e ka nna moeng kgotsa moagi yo mošwa mo lefelong le le rileng a batla tsela ya go ya kwa go rileng.

Dintlha tsa tlhokomelo:

Tsela e ka bontshiwa ka go bontsha ka:

- Matshwao a tsela.
- Dikago (dikereke, dipolokelo, dikolo, marekisetso le tse dingwe).
- Maina a mebila.
- Go lekanyetsa sekgala.

**3.3 PAMPITSHANA YA TSHEDIMOSE TSO**

Ke dipampitshana tse dinnye tse gantsi di tsenngwang mo mabokosong a poso kgotsa di abiwa mo marakanelong a ditsela. Gantsi di phasalatsa ditirelo, ditiragalo kgotsa kgwebo e ntšha. Di abiwa fela kwa ntle ga tuelo.

Dintlha tsa tlhokomelo:

- Tshedimose tso e rulaganngwe ka fa tlase ga ditlhogo/setlhogo.
- Go netefatsa bokao jo bo utlwalang.
- Go kwalwe dipolelo tse di bonolo le gone di nne dikhutshwane.
- Ditshwantsho di dirisiwe mmogo le mokwalo.
- Moono: Puo ya pampitshana ya tshedimose tso e nne dintlha ka segalo se se siameng.

**PALOGOTLHE YA KAROLO YA C: 20**  
**PALOGOTLHE: 100**